

Til
Vaksdal Kommune v/kommunedirektøren
Frå
Vaksdal Næringsråd (VNR)
www.vaksdalnr.no
post@vaksdalnr.no

Dale 12.04.2022

Høyringsvar til strategisk næringsplan(SNP) for Vaksdal kommune frå Vaksdal Næringsråd

Vaksdal Næringsråd er ein organisasjon for private bedrifter i Vaksdal kommune. I dag er det 47 bedrifter, med over 430 arbeidstakarar, som har teikna medlemskap i Vaksdal Næringsråd. Styret i Næringsrådet er representativt for næringslivet i Vaksdal kommune.

Styret i Vaksdal Næringsråd er glad for at det no ligg føre forslag til ein ambisiøs strategisk næringsplan, og me synest den er eit veldig bra utgangspunkt. VNR vil framheva den tydelege rolla organisasjonen har i planen, og me tar gjerne på oss eit tydeleg ansvar i å gjennomføra planen. Det er medlemmane i Vaksdal Næringsråd som hovudsakleg skal skapa desse 600 arbeidsplassane planen har ambisjonar om.

Vaksdal Næringsråd ser fram mot ei vitalisering av Vaksdal Næringssekskap AS (VNS) som Vaksdal kommune sin utøvande instans for samarbeid og utvikling av næringslivet i Vaksdal. Det er no me kan rigge oss for framtidig vekst, og det er difor viktig å setje VNS i stand til å gjere ein best mogleg jobb framover ved å sørge for at selskapet har eit godt styringsdokument å jobbe etter. VNR som organisasjon eksisterte ikkje i 1997 då VNS vart skapt, og aksjane vart teikna. Hadde me vore det ville truleg VNR vore sterkt inne på eigarsida av VNS på vegne av medlemmane våre. Å vera aksjonær i VNS er noko VNR ynskjer sterkt. Dette vil forplikte oss som lokalt næringsliv til å ta ei sterkare rolle i strategisk næringsplan og lokal næringsutvikling. Samtidig vil det gje eit godt grunnlag for tettare samarbeid mellom kommune og næringsliv, og næringsliv i mellom.

Førre avsnitt er svar på kva VNR ser som viktigast å starte med i hht spørsmål frå EY. Samstundes vil me ta fram eit punkt i planen: vekst i eksisterande næringar. VNR vil påpeike at me fyrst jobbar med å sikra eksisterande arbeidsplassar og verdiskapinga som trengs for å få dette til kvar dag. Konkurransedyktige rammebetingelser for å få dette til bør vere høgt prioritert av kommunen også. Førre næringsplan har ikkje vore oppdatert sidan 2012, dermed har ein heller ikkje hatt noko godt styringsdokument eller aktuelle oppdaterte politiske handlingsplanar for næringsutviklinga sidan 2012. Dette har vore uheldig både for næringsutviklinga og VNS, og mangel på konkrete målsetningar har truleg også bidrege til at Vaksdal kommune sitt årlege bidrag til næringsutvikling gjennom VNS ikkje har blitt justert opp på sær mange år. Noko som i realiteten etter inflasjon inneber ei betydeleg svekking av næringsarbeidet i perioden. Det krevst difor auka ressursar til Vaksdal Næringssekskap i åra som kjem, og VNR håpar at ein også politisk finn rom for å styrka dei økonomiske rammene i åra framover.

Samstundes erkjenner styret i VNR at samarbeid i næringsliv i kommunen kan bli bedre for å oppnå at mest mogleg av verdiskapinga frå K5 blir igjen i kommunen, dette vil me i VNR jobbe med å legge til rette for framover.

Det er viktig at det snarast mogleg etter at SNP er vedteke vert utarbeida ein konkret handlingsplan med målbare mål, delmål og ansvarsfordeling. Det bør setjast ein konkret dato/frist i næringsplanen for når handlingsplanen skal vere utarbeida, etter SNP er vedteken!



Vaksdal Næringsråd

VNR ynskjer også å presisere at det er særskild viktig at planen faktisk vert jamnleg rullert minimum kvart 4 år, så fokuset på næringsarbeidet vert jamnleg og godt i motsetning til tidlegare plan, samt heile tida forblir eit relevant styringsdokument for Vaksdal Næringssselskap. Dette vil og gje ein god statusoppdatering for næringsutviklingsarbeidet, og grad av måloppnåing sidan førre rulling. Ein får då minimum kvart 4 år ein korrigert kurs basert på kva ein faktisk har oppnådd i planperioden, og kan gjere nødvendige justeringar. VNR ynskjer gjerne å delta i rulleringsarbeida!

Til slutt ynskjer VNR å peike på at det også er viktig å fylje opp planen generelt med økonomiske ressursar, god tilrettelegging, fleksibilitet og ei framleis positiv haldning i møte med næringslivet i åra framover frå kommunen, for å sikre at målsetningane i planen kan realiserast.

Me ser fram mot å kunne bidra i gjennomføringa av ny næringsplan når den er vedteke!

Med beste helsing

Styre i Vaksdal Næringsråd v/ leiar Boris Groth(s)